



23.11.2011

Inatsisartut suleriaasianni § 37 imm. 1 naapertorlugu Naalakkersuisunut apeqquiti imaattut matumuuna saqqummiuppakka:

**Paamiuni inissarsuit (blok-it) 4-it, 80-inik inissiarllit tamanut ammasumik tuniarneqalermata, pisisussat pisinermiini nunatta karsianiit katillugit 15.5mio.kr-inik tunineqarnissaat tamanut ammasumik Naalakkersuisunit nassuiaatigineqarsimanerluni?**

**Blok-it 4-it isaterneqarnissaat qanoq akeqarnerseq Naalakkersuisut naatsorsortinnikuuaat, taamaattoqarsimappallu kikkut isaterinissamut naatsorsuinikuuppat?**

**Illumut inissarsuarnik namminneq akisussaaffigiligassaminnik pisiniat nunatta karsianiit isaterinissaannut aningaasaliiffiginissaat Naalakkersuisut pissusissamisoortutut isigaat?**

**Inissarsuarnik pisiumallutik neqerooruteqartunut isumaqatiginninniarneq sumut killippa?**

**Tungavilersuut:**

Paamiuni inissarsuit tamanut ammasumik tuniarneqarnerat ilisimagatsigu oqaatigeriissavarput. Tupaallaatigaarpullu Aningaasanut Inatsisissap aappassaaneerneqarnissaanut allanngutissap, tamatsinnut saqqummiunneqarneranni, inissarsuit 49.000kr.-inik akilerlugit pisisussanut, nunatta karsia 15.596.000kr.-inik akiliiniartoq takugatsigu.

Tuniarneqarnerannimi erseqqilluinartumik tunisisut sumulluunniit amigaataasinaasunut tamanut akisussaatinneqassanngitsut allassimavoq. Taamaattumik paaserusupparput, tuniarneqarneranni pisisussat/piginittuulertussat aningaasanik isaterinissamut atugassaannik nunatta karsianiit aningaasaliisoqarnissaa tamanut nalunaarutigineqarsimanerseq? Taamaattoqarnerami allagarsiussami (annonce) takusinnaanngilarput.

Naalakkersuisup oqaatigisaatuut isaterinissaq 15.5mio.kr.-iniit akisunerujussuusassaasimappat, soormiuna pisisoq ukioq 2021 nallertinnagu iluarsaasimanngippat/isaterisimanngippat, pisisoq taamaallaat 4mio.kr.-inik qularnaveeqqusiinissaa Naalakkersuisut piumasarigaat. Isaterinissamummi akisunerarneqartumut blok-imut ataatsimut taamaallaat 1mio.kr.-inik qularnaveeqqusiinissaq naapertuuppasinngilaq.

Malik Berthelsen, Kim Kielsen, Siumut